

**Jadikan Rumah Allahyarham P.Ramlee Pusaka Negara, Gesa Anggota Parlimen BN  
Bernama  
19 April , 2012**

KUALA LUMPUR, 19 April (Bernama) -- Anggota Parlimen Barisan Nasional (BN) pada Khamis menggesa kerajaan supaya menimbang untuk menjadikan rumah peninggalan Allahyarham Tan Sri P.Ramlee di Setapak di sini, sebagai warisan negara.

Anggota Parlimen Sri Gading Datuk Mohamad Aziz, yang mewakili ahli-ahli Parlimen tersebut, berkata ia adalah wajar memandangkan sumbangan seniman ulung tersebut terhadap perkembangan seni negara amat besar dan tidak harus dilupakan.

Katanya, tindakan itu juga bagi meringankan beban hidup menantu P.Ramlee, Suria Bakar dan dua anaknya yang kini hidup dalam serba kekurangan.

"Kita juga merayu kerajaan membuat satu yayasan untuk bantu membiayai rumah dan keluarga Allahyarham," katanya pada sidang media di Lobi Parlimen.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=660445>